

Penyediaan Pelan Tindakan Terbaik : Bengkel Kerja Inisiatif DTP #54 Tahun 2022 Dan Post-Mortem SPM 2021



Labuan, 19 Ogos – Jabatan Pendidikan Wilayah Persekutuan Labuan telah mengadakan Bengkel Kerja Inisiatif DTP #54 dan Post-Mortem SPM 2021 di Kota Kinabalu pada 17 hingga 19 Ogos 2022.

Inisiatif Program Transformasi Daerah (DTP) dibangunkan bertujuan memacu prestasi sekolah melalui pelan intervensi bagi merealisasikan usaha peningkatan kemenjadian murid.

Pengarah Jabatan Pendidikan Wilayah Persekutuan Labuan, Encik Yusup Haji Mohamad berkata keputusan SPM 2021 merupakan pencapaian dan peningkatan yang cukup membanggakan dari segi layak menerima sijil, peratus

lulus dan gred purata negeri.

Beliau amat menghargai komitmen pihak sekolah, pentadbir sekolah dan guru-guru di atas pencapaian ini.

“Menjadi satu cabaran bersama untuk mengekalkan serta meningkatkan lagi pencapaian SPM di tahun mendatang”.
Encik Yusup Haji Mohamad.

Justeru itu pihak jabatan, sekolah dan guru-guru perlu sentiasa bekerjasama secara sepasukan bagi menyediakan pelan tindakan yang terbaik demi mengekalkan produk kemenjadian anak-anak murid di Labuan.



Datuk Dr Amin Senin, Encik Yusup Hj Mohamad bersama pengurusan tertinggi JPWPL


Dalam majlis yang sama, Jabatan Pendidikan Wilayah Persekutuan Labuan telah menjemput YBhg. Datuk Dr. Amin Senin, mantan Ketua Pengarah Pelajaran Malaysia (KPPM) untuk sesi perkongsian mengenai dunia pendidikan di Malaysia.

Katanya, guru digalakkan untuk menambah baik pembelajaran murid mengikut tahap keupayaan melalui kepelbagaian

kaedah dan kreativiti pengajaran sesuai dengan era pembelajaran digital masa kini.

“Pendidikan Mengangkat Nilai, Maruah dan Harga Diri Murid”, Datuk Dr. Amin Senin.

Melalui bengkel ini, sesi post-mortem, perkongsian, perbincangan dan pembentangan intervensi sekolah oleh para pengetua serta program *task force* SPM 2022 telah berjaya dilaksanakan.



Perkongsian Pendidikan : Pembelajaran Digital oleh Datuk Dr Amin Senin



Perkongsian, Perbincangan dan Pembentangan



Pelan Tindakan, Intervensi



Post-Mortem, Task Force SPM



oleh Para Pengetua